

VALPELLINE

Coudée le pèi végnon blan?

Can te gnoue de vièlli, lo vezadzo se plette é le pèi végnon blan (le spésialiste lèi dion "canisie").

Tcheut san qué, é eun moué son pa countèn!

L'é la mélanina que baille la couleur i pèi é a la pé. La mélanina l'é eun pimàn produi di sellule de la pé.

Le pèi végnon blan can seutte sellule, que son fran a la rèisse, produèison pami de mélanina.

Le-z-albeun l'an la pé é le pèi blan pèiqué lèi manque fran la mélanina, a coza d'eunna mutachón jénéteucca.

L'an le joué rodzo pèiqué la "coroïde" (eunna di peillatte di joué) que l'a pa de pimàn, reflète la lemiye di petchoude vèin-e di joué.

Le pèi végnon blan étó pe de rèizón jénéteuque: a catchouéun pi vito é a d'atre pi tart.

Le-z-Amérèndièn l'an pa si tracas: eun tsi leur n'a caze pa de-z-ommo plemoù é gnènca de sise avoué le pèi gri.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Préi de :

Cybersciences de Philippe Chartier

Texte publiè en 2008 sur «Le hibou»

Collaborateur de Valpelline pour la traduction: **Agnèse Ansermin**

La transcription a été soignée par le Guichet Linguistique